

第二冊

卷三

大事記三

卷四

大事記四

新纂雲南通志

盧漢題

纂



新纂雲南通志

卷之六

大理府志

卷之六

大理府志

新纂雲南通志

大理府志

卷之六

大理府志

大理府志

卷之六

大理府志

新纂雲南通志卷三目錄

大事記三

中古代二

第三期


始漢獻帝建安二十年乙未  
迄晉武帝泰始六年庚寅

第四期

始晉武帝泰始七年辛卯  
迄梁武帝太清二年戊辰

第五期

始梁武帝太清三年己巳  
迄唐開元二十五年丁丑



新纂雲南通志卷三

大事記三

中古代第三期

始漢獻帝建安二十年乙未訖晉武帝泰始六年庚寅共五

十六年

即公曆二一五年至二七〇年

漢獻帝二十年立朱提郡

水經若水注

鄧方爲都督先主因易名太守

南中志

郡治縣故城西南二百里得所綰堂琅縣

水經若水注

蜀漢昭烈帝章武元年以李恢爲庾降都督使持節領交州刺史住

平夷縣

蜀志

胡氏三省曰據蜀志庾降督住平夷蓋僑治非庾降之本地也

通志注

案兩漢治滇郡縣皆屬益州刺史鞭長莫及時時有特殊制度如武帝立益州郡仍賜滇王印明帝立永昌郡先設西部都尉是已顧滇王首都當與益州郡治同在今晉寧舊王領土軍新郡重文治史跡可證乃自東漢後郡治如故滇王無聞殆如哀牢王句町王之同化然益州刺史終難治益州郡永昌郡之遠如巴郡蜀郡之近特設庾降都督住於味縣在今曲靖因曲靖遠阻故鄧方李恢僑住南昌平夷詳繹裴氏之注於制度則稱郡縣於通俗則號南中三國志華陽國志無一不言南中或言南土或言南方皆從俗也武侯出師表云南方已定又云北征必先入南亦從俗也不必明言郡縣即可知爲滇境庾降都督總攝南中總攝云者蓋總持南中軍職而文職亦爲所屬始雖

兼太守職後已與益州刺史平列故都督嘗兼交州刺史然則  
斯時之滇已脫益州刺史而獨立早開晉置寧州之先聲故裴  
氏曰時未有寧州也据蜀志建安十九年先主定成都以鄧方  
爲庾隆都督章武元年鄧方卒以李恢爲都督知都督之置當  
在此時裴氏云去蜀二千餘里實爲建寧之地况蜀志南中志  
載張翼馬忠張表閭宇霍弋等先後爲庾隆都督知此職設置  
甚久武侯平南中時李恢重寄庾隆都督之任故七擒畢三郡  
改南中平不置漢官不留鎮守張東之傳即其渠率而用之渠率指大  
小部長而言仍隸于庾隆都督文治武治昭然秩然非委之渠  
率而遂已顧渠率之雄傑武侯又未嘗不大用之爨習官領軍  
而助戰街亭諸葛文集孟獲入蜀而官御史中丞華陽國志滇人立大功官大

位垂大榮名使滇境生大變化興大生產進大文明正在斯時  
故于先主以鄧方李恢爲庾降都督斷爲滇蜀並列之時代直  
至今于二省唇齒可忽乎哉

又案歷年傳引集覽南中八郡志庾降本南方地名音來絳武  
侯征南中因以名官又或以後主時置皆無解於鄧方李恢先  
爲此官也降當音洪考水經若水注自朱提至犍道有水步道  
水道有黑水羊官水至險難三津之阻行者苦之故俗爲之語  
曰楸溪赤水盤蛇七曲盤羊烏攏氣與天通看都濩泚住柱呼  
伊南中志  
作乎尹庾降賈子左擔七里又有牛叩頭馬搏頰坂其艱險如  
此也降與攏通爲韻可作音洪之證或曰庾即招徠降即降服

亦通

後主建興元年益州郡耆帥雍闓等反殺太守正昂求附于吳吳以

闓爲永昌太守

通鑑

蜀志劉璋卒南中豪率雍闓據益州反附于吳權後以璋子闓爲

益州刺史處交益界首

劉璋傳

蜀志闓據南中答李嚴書曰蓋聞天無二日土無二王今天下鼎

立

南中志鼎立作派分

正朔有三是以遠人惶惑不知所歸

呂凱傳

雍闓反結壘于存驅縣山繫馬柳柱成林

南中志

案中國分裂四裔利之古今有同慨焉闓不以文名而書辭簡

古可誦呂凱傳云闓數移檄永昌稱說云云惜其檄皆不傳雍

闓本南中大姓或曰南中豪率

劉璋傳

或曰益州大姓

步騭傳水經存水注

或曰益

州豪姓

士變傳

或曰耆率

張裔傳

可見其非庸庸者步騭傳云闓殺蜀所

著太守正昂與士燮相聞求欲內附驚因承制遣使宣恩撫納  
士燮傳云閬率郡人民東附張裔傳云閬恩信著於南土有恩  
有信之人宜乎風動一方矣裔亦一人才而閬能縛之假鬼教  
云張裔府君如瓠壺外雖澤而內實麤殺之不可縛與吳嚴鐵  
橋以爲閬之文實亦有韻之詞也呂凱傳云閬驕黠滋甚都護  
李嚴與閬書六紙解喻利害閬但答一紙言遠人惶惑不知所  
歸其桀慢如此夫人生天地各重自立本非蜀漢世奴閬之惶  
惑何從而咎之史云驕黠云桀慢乃敵人之詞非定論也

朱褒叛應雍閬

裴注引魏氏春秋

蜀志建興元年牂牁太守朱褒擁郡反

華陽國志牂牁郡丞朱提朱褒領太守恣睢丞相以初遭大喪未

便加兵遣越嵩太守廣漢龔祿住安上縣遙領郡從事

南中志

越嵩夷王高定叛

南中志

先是益州郡有大姓雍闓反流太守張裔于吳據郡不賓越嵩夷

王高定亦背叛

後主傳

三年春諸葛亮南征

南中志

蜀志三年春亮率衆南征其秋悉平軍資所出國以富饒

諸葛亮傳

賦出叟濮耕牛戰馬金銀犀革充繼軍資于是費用不乏

李恢傳

亮南征兵勢逼之窮乃幸從是後供出官賦取以給兵

譙周傳

亮由越嵩入斬雍闓及高定使庾降督益州李恢由益州入門下

督巴西馬忠由牂牁入

通鑑

案武侯三路進兵躬征雍闓當由永北一路馬忠當由昭通一

路李恢向晉寧爲一路蓋恢此時任庾降都督職僑治平夷故由平夷治所出軍也恢傳云道向建寧追奔逐北南至槃江東接牂牁與亮聲勢相連南土平定恢軍功多信哉

亮至滇池

漢晉春秋亮在南中間孟獲者並爲夷漢所服七縱七擒遂至滇

池南中平皆即其渠率而用之曰夷漢粗安耳

蜀志裴注引漢晉春秋

案華陽國志作七虜七赦獲後官御史中丞建興中置此官外

督部刺史蓋重任也

改益州郡爲建寧郡

洪亮吉補三國疆域志領縣十五按建寧之名卽本漢書之建伶

分建寧牂牁爲興古郡

洪志領縣十

分建寧永昌爲雲南郡

洪志領縣八蜀志後主傳

案史太平樂寰宇記譙周巴志作二年誤因改郡在平南後也

又案改益州郡爲建寧郡蓋因益州之名已混于蜀故武侯改之凡漢後所言益州事益州郡事宜分別觀之滇雲歷年傳引延熹八年益州刺史侯參有罪自殺熹平五年益州刺史劉焉徙治成都皆嫌混

又案此爲雲南二字由縣名升爲郡名之始

庾隆都督移治味縣

南中志

案胡三省通鑑注謂馬忠始移建寧味縣疑非又謂後遂爲寧州治所則是

以南中勁卒置飛軍

案華陽國志建興三年亮平南中以南中勁卒置飛軍又云亮移南中勁卒青羌萬餘家于蜀爲五部所當無前號爲飛軍分

其羸弱配大姓焦雍婁爨孟量毛李爲部曲置五部都尉故南人言四姓五子出師表以甲兵之足屬于南方已定之下可見諸葛之善用南人而飛軍之名千古無偶也

備覽

○使張伯岐選勁卒勇兵增武備

唐書張柬之傳

案張柬之傳諸葛亮五月渡瀘收其金銀鹽布以益軍儲使張伯岐選其勁卒勇兵以增武備故蜀志稱自亮南征而國以富饒夫武侯用人三國志得其要華陽國志紀其詳及張樹著武侯集可謂備矣而張伯岐之重任乃獨遺之何耶特自唐溯漢容多傳聞之詞因其無悖於本事姑列備覽

備覽

○孔明到益州常戰于石室

梁元帝金樓子

案搜神記益州之西雲南之東有神祠尅山石爲室張樹云孔

明所戰當即干寶所記石室

備覽○亮入南戰于盤東

水經葉榆水注

備覽○牂牁帥火濟從破孟獲有功封羅甸國王

述異錄

案歷年傳云宣威爲火濟舊地

備覽○亮爲夷作國譜

南中志夷人大種曰昆小種曰叟皆曲頭木耳環鐵裹結無大侯

王如汝山漢嘉夷也夷中有桀黠能言議曲服種人者謂之耆老

便

何本作使

爲主論議好譬喻物謂之夷經今南人言論雖學者亦伴引

夷經與夷爲姓

姓一本作婚下同

曰遑耶諸姓爲自有耶世亂犯法輒依之藏

匿或曰有爲官所法夷或爲報仇與夷至厚者謂之百世遑耶恩

若骨肉爲其捕逃之藪故南人輕爲禍變恃此也其俗徵巫鬼好

詛盟投石結草菅常以盟詛要之諸葛亮乃爲夷作國譜先畫天地日月君長城府次畫神龍龍生夷乃牛馬羊後畫部主吏乘馬幡蓋巡行安卹又畫牽牛負酒齎金寶詣之之象以賜夷夷甚重之許致生口直又與瑞錦鐵券今皆存每刺史校尉至齎以呈詣動亦如之

案此東晉人之筆故所言及於晉事然可見晉之滇人仍尊武侯並見刺史校尉之官無偏重云

備覽○立紀功碑

北史史萬歲傳

案武侯所莅地附會古蹟即未莅地亦有之皆難輕信今錄可信者有二碑一据唐書南蠻傳廣德初鳳伽異築拓東城諸葛亮石刻故在曰碑即仆蠻爲漢奴

蠻書同

一据北史史萬歲傳萬歲

爲行軍總管至于南中見諸葛亮紀功碑銘其背曰萬歲後勝

我者過此萬歲令左右倒其碑而進諸夷遣使請降於是勒石

頌美隋德

隋書史萬歲傳萬歲後作萬歲之後

南詔野史又添蛇足曰史萬歲不應仆吾

碑非也又蠻書云瀾滄江古碑猶存亦有神祠存焉荔屏以武

侯征南到處神蹟樊綽殆先言之也

存疑

○改益州爲建寧以仁果十七世孫張龍佑那領之

記古滇說

案滇載記謂武侯賜姓張氏尤誣

呂凱爲雲南太守

南中志

會爲叛蠻所害

呂凱傳

案南中志武侯分建寧越嶲置雲南郡以呂凱爲太守凱之任

蓋已久矣凱與雍闓之書遠徵雍齒近服武侯滇文之佳推此